



南有堂詩集卷之一



太原王穉登著
東海徐樹丕錄

四言古詩 計三十四首

朱在明拙園賞月



崑崙名園綠榭朱軒明燈燦爛花竹蕭森今夕何
夕涼秋有半銀河挿波珠斗在漢零雨阮晴江山
滌清素影不虧圓輝乍盈漾：白露翩：翠袖吹
笙鼓簧起舞為壽其雨其雨杲：秋陽天道無恒
人情靡常有酒如河有肉如坡如此良夜不樂云

何難違者會不待者年譬如明月安得長圓我有
知心如玉如金何以勉旃勗哉古人古人伊何管
鮑蕭朱雖曰不迨企其庶幾歲寒之盟義不可絕
謂余不信皎然此月

述世德

於皇遠祖去我六世既善風角亦知星氣舍梓與
桑遠隨貂寺幸免魚腹竄跡吳市梁生儻庶淳于
贅婿哀此後人爰述爰繼緜：瓜瓞莫：葛藟或
判而璋或合而珪綬若鴈行貫乃魚麗迨余小子
雲仍本支豈不黽勉企其迨而

及我祖考鴻舉霞騫阿堵貨布何物刀錢三荆同
株靡有間言不事商賈而慕神仙神仙可學河清
莫待黃金不成丹竈空在貽我先君集蓼與嘸凡
厥子孫匪訓伊戒其戒維何勿為荒唐安期羨門
齊諧渺茫前車漢武覆轍秦皇紅顏易禡鬢髮易
霜夙興交徹夜寐無忘力爾稼穡嗣爾蒸嘗
哀：光子蚤失我祖範：黃口謂茶非苦叔父諸
姑是育是撫爾家爾室咸獲爾所自彼 武皇洪
水湯：下民其魚淪胥以亡光子是惻貸彼候糧
與彼金錢慰彼疲疇緯簫築土乃陌乃阡甌窶污

邪穰、有年有年則那寇來自東王師奮伐軍興
是供杼軸磨如高廩其空雖則其空供武之服君
子之貽庶幾有穀曰余兄弟勉旃是勗不敬尔身
先祖是辱不辱維何墳麓同音母曰不畏上帝爾
臨告爾來者維德之欽匪德之欽爾祖是歆天道
如醴一酌一斟兄弟綢繆外侮不侵曷以垂戒惟
商與參

悼亡

無根者芝無源者泉彼美且淑產自空谷來歸于
我齒弱肌妍人曰枯楊汝則何嫌人曰桑榆汝則

是甘如彼葛藟係于瓜田異根同株固結纏絲
匪無金鈿不以耀首匪無膏澤不以脂口布總箭
笄田婦則有有婢不代執箕與帚有奴不驅執井
與臼米鹽胃脯果蔬薪槲篋笥衣裳筦鑰門牡弗
躬弗任誰曰汝咎不恤其勞靡夕靡晝汝顏舜華
汝質蒲柳哀、雙駒爰喪其母
母之亡矣駒將誰哺斜月流壁明星朗戶鴛央獨
宿枕衾如露遺貌栖塵芳魂隔霧故繡苔生殘鉛
鼠蠹兒饑曷餐兒寒曷袴豈無佳人維汝不妬既
奪汝年疇爲我助促汝脩齡躑余末路珠沉玉碎

遑測其故

昔我喪妻二嬰呱、今我喪汝亦有双雛罹此不
辰仰首號呼昊天降凶我則何辜何辛匪蓼何苦
匪荼失雌維鳳戀母維烏哀腸冰裂淚目泉枯不
迨我老而先我殂汝之先祖其命也夫

蛇則有毒雀則有醜嗟、方士其虐太甚胡謂神
膏燔肝烈腎胡為靈藥形銷魂震落花辭條其雨
倏盡漂萍辭波狂風忽迅飲劍吞戈命乃自擯匪
汝之擯伊余妄信敢告君子云何弗慎

節孝詩

有婆有婆早喪其匹不獲身殉矢死靡忒匪死之
難孤也誰植有孤有孤茹荼集棘思斯勤斯藐焉
三尺漏永北堂火微東壁厨寒夜爨井凍晨汲機
聲書聲伴吟伴績薄糜不繼母子罷食好爵弗縻
滌灑是職巢卵幸完伊維母德母亡子亡黃泉不
隔節凜冰霜孝貫金石 帝命守臣往表厥宅彤
管煌、紫泥赫、邯鄲古道過者停軼

有鳥四章贈張進士母也

有鳥雛、生于鳳穴母氏鞠之靡日靡月乳斯哺
斯拮据流血先君之遺是訓是迪何以喻母寒松

皎雪何玉不堅何陣不潔

豈無瑕玉豈無釁珠母心不二母節不渝何集匪
夢何茹匪荼火悽夜壁霜凜晨廬母也緝纏子也
吾伊文章有爛以成鳳雛

鳳之雛矣其羽翩翹儀于王廷濟之群賢為夔為
龍接翼以肩黃鐘在列天球在懸赤刀銀甕衆寶
紛然自彼淵泥升于九天念母心動南歸式邁
子歸自遠母心孔安雖有鼎食啜菽是甘雖有文
繡衣綵是歡子身阮顯母節乃完誰陳九閣乙夜
覽觀庶幾綸綍下彼雲端光於彤史千秋弗刊

寄頌胡生

仗劍出門踰二十年趨彼輦轂廢其桑田悠々歲
月邈々山川軒冕之交薄如秋烟朝同膠漆夕吳
興燕掉臂不顧中心棄捐我思古人田光魯連一
言之諾義高雲天彼其之子胡不其然以我肝膽
投之深淵

豈無王公中道相舍豈無卿士遺之曠野三事大
夫散若飄瓦故人雖多臨難則寡烈々邢侯偉然
長者窮而歸我忍忘田假我食我衣栖我廡下有
魚共烹有酒且寫泔水湯々無冬無夏爾欲言歸

贈爾僕馬及爾不歸棄其松櫟維谷者茲傷我命也

維麥之什 并序

韓侯治畊有異政惠綏小民豪右斂迹邑中號稱神明豐年屢臻地不受寶來牟於臬交枝駢穗昔有漁陽今有畊邑千載媲美流芳竹素矣爰賦此章以告採風使者上其事焉

維麥光：挹彼仁風爾疆我場兩岐則同

光光者麥仁風既挹兩岐則同爾疆我場

麥穰々矣畊之卿矣田畯咸喜曰維祥矣匪麥之為祥韓侯也良

麥薈々矣畊之遂矣農人咸喜曰維瑞矣匪麥之為瑞韓侯也惠

中田有丘瑞麥油々韓侯戾止以邀以遊匪邀且遊惟民瘼是求

中田有坡瑞麥孔多韓侯戾止其樂云何農人鼓腹婦子娑娑

昔有張君今有韓侯豈弟君子仁及棘粦我歌且謳胡不千秋

昔有漁陽今有婁水仁及棘粦豈弟君子我歌且謳敢告太史

黃鵠十章贈劉母胡太宜人也

黃鵠雙飛言喪其匹肝腸如結寧顧顏色欲殉兩
髦身焉足惜

不惜其身素此黃口一雄一雌乾然在疚我躬不
恤形影為偶

我偶逝而維命之窮集蓼茹荼罹此鞠凶室家漂
搖苦雨淒風

風雨飄搖其毒太苦金石我心冰霜我腑嗟此下
民莫我敢侮

受侮日少受福孔多寒谷黍生煦其陽和長我子

女我樂如何

子升天衢女嬪貴室燦其盈門慶雲五色紫泥煌
：以表母宅

宅之云表如綸如絲再命再錫星佩霞裾曷云能
忘先君之思

繫我先君不共皓首今此鳳雛王事奔走母壽萬
年敬上大斗

大斗不置挹彼天漿交梨作脯火棗為糧青鸞啣
書玄鳥服箱

雖則鸞雀不如黃鵠母也拮据教子式穀允文允

武以匡王國

古樂府

計六十八首

垓城阻風見溺者餉卒賦公無渡河

公無渡河河之水湯湯蛟龍齒如鑿鉏干將以人
血為酒人肉為糧柰何乎公盍歸來予故鄉
先逍遙後號咷猛獸有穴鳥有巢嗟嗟匹夫沒于
淵濤

滔者水耶浮沉尔耶孰為父母耶妻耶子耶家
萬里耶安知爾溺以死耶

河水西東兮魚子驚兮葬汝于腹中兮

日重光

日重光國重興定儲皇開太平滄海晏黃河清山
川有神社稷有靈龍馬出義朝鳳鳥儀虞廷
帝康休萬壽寧如松柏之與岡陵

春江花月夜

花正開月更明江清水復平誰家樓上女花月共
盈十五嫁夫君家住長干里一作湘江客久隔
湘江水欲寄湘江書難覓湘江鯉朝問下江船夕
問下江船江船日夕下無書到妾邊花既不長好
月亦不長圓妾心猶自可春江夜可憐

戰城南

戰城南戰城北城南陣雲黃城北陣雲黑城南不
陷城北陷生死須臾在一戰莫以李陵作降虜河
梁羞對蘇卿面

兩頭纖

兩頭纖々女兒手中梭投梭折郎齒郎將柰汝何
郎君維折齒凝眸復調汝

兩頭纖々女兒眉初畫還同新月天邊掛新月圓
又缺不及春風楊柳葉

捉搦歌

十三小女憨無力雙鬟髻鬢垂肩側丁香樹下與
歡踴歲鞋裙帶羅三尺帶長繫歡身不能繫歡心
歡心如弱草隨風吹衰々

君馬黃

君馬黃臣馬蒼君馬龍臣馬驄君馬駒駝臣馬的
盧的盧不妨主與君共生死

獨漉篇

獨漉獨漉水一石泥半斛察見淵中魚不祥請君
不清亦不濁

公無渡河

小姬彈箜篌勸公無渡河公欲渡河將柰何河不
可渡公竟渡波臣耽、河伯怒一葉扁舟入煙霧
人不見烟霧滅歌聲斷箜篌裂

少年行

少年不信沙場苦拔劍從軍恨前舞半生身事李
將軍白首藍田空射虎

俠客行

百金裝束寶刀頭將身借客為報仇殺人朝過咸
陽市夜擁胡姬宿酒樓

饒歌鼓吹曲

皇御曆恭階平胡塵清海波寧
蠢尔倭奴蹂我東藩游蒐假息栖於釜山箕子之
邦社稷傷殘

皇奮殿武桓、開府謀臣如雲猛士如虎梟其頭
顱為我釁鼓玄菟樂浪爾疆尔土玉帛來朝以嗣
爾祖

揚之首自有唐易魁結化冠裳負險阻驅犬羊敗
王畧亂天綱我師集我武揚車鼓、壓螳螂旄頭
滅定西方皇受俘坐明堂

嘯戍降虜為囚為孽哀哉中丞羈縲帶血王臣投

城碎首折脅 天子宵旰中外震疊

烏傷健兒談笑入城城門水灌樓櫓悉崩拔幟大呼肉薄而登執訊獲醜歸于神京藁街之懸以莫不懲

交趾久不臣其黨自屠戮一朝來扣關稽顙受約束繫頸三尺組牽羊示敵釵鑄金作人形代罪以自贖帥臣櫛其章持之獻黃屋 帝德何親許其為內屬

梯航重譯自西自東荒服效順華夷嚮風明天子萬福攸同克平大慙爰奏膚功小臣作歌叶

於鼓鐘

行路難

太行不為高褒斜不為險溟渤不為深夜即不為遠險遠高深皆在人心卮酒笑言戈戟森々父母妻孥安知不為蚮與狐兄弟朋友安知不為藥匕首行路難君勿嘆羊腸鳥道出門是不如被髮入空山

猛虎行

獸有猛虎人有宦寺猛虎猶負嵎宦寺踞通都食人肝腦嚼人膚片言巧中人主意掉辱公卿若兒

戲窮高極深蒐括黃金黃金不可得發丘斲白骨
屠僂其子孫駕言欲富國吾將告上帝取彼寺人
投猛虎猛虎不肯食蒼生心愈苦

關山月

關山一片月千里共清輝未照邊城戍先穿思婦
帟借光題遠札顧影搥寒衣為向嫦娥問征夫歸
不歸

邊馬有歸心

邊馬長征瘦悲嘶對夕曛霜凋千里足雲暗五花
紋願逐江南牧無心塞北群漢郊多首藉請謝李

將軍

采蓮曲

蓮房心最苦蓮葉刺傷手雙雙采蓮女一心但求
藕

郎道藕花好儂言藕葉香藕花復藕葉不及藕絲
長

明妃曲

入宮不召幸異域嫁單于但自矜顏色寧知按畫
圖和親終悞漢將士早防胡莫以嬋娟力都忘定
廟謨

子夜四時歌

飛絮自隨風遊絲空繞樹妾心隨不去歡心留不
住

歲蕤合歡草托根生磐石雖賴薰風吹終身不得
力

牽牛在河東織女在河西一年一相見猶勝蕩子
妻

十月寄寒衣邊城雪花落寄處嫌衣厚著處嫌衣
薄

烏夜啼

吳王城頭烏夜啼吳王宮裡醉西施越兵已渡太
湖水借問君王知未知君未知酒初醒金屋銀屏
燭光冷西施自逐鴛鴦去風吹梧桐落宮井

從軍樂

人言從軍樂未識從軍苦君窮兵將黷武西築飛
狐塞北拓陰山土既缺我折破我斧轅門饗客伐
鼓其鞞美人進酒飛羽觴戰士鐵衣冷如霜黃金
印大於斗纒：掛將軍肘良家子弟弛刑徒多定
河邊枯骨朽

估客樂

估客估客腰纏跨鶴南浮閩粵北遊河朔怒馬鮮
車我舸大舶繡段盈箱珠璣滿握聞雞走狗携蒲
六博燕姬在寢趙女入幕海賈胡商云胡不樂
中官吃哮橫道啞人摧膚剥髓糜軀喪身爾金爾
玉為沙為塵昔何愉快今何苦辛遊竟不返山鬼
為鄰誰告上帝哀於主臣

嗟我農人播種五穀于耜于耒是刈是獲飽尔妻
孥輸將尔足牛衣不薄奚必紕穀藜羹不惡奚必
梁肉估客雖樂其禍也酷不如歸田幸免屠僇

前緩聲歌

白日自西飛黃河自東流西飛不可挽東流不可
收蜉蝣無旦夕蟪蛄無春秋昨日紅顏子今朝成
白頭徵歌選妓飲中堂列肴羞絲竹悅我耳粉黛
娛我眸行酒如川至行炙若雲浮送客而留髡主
人意綢繆纓既不須絕轄尔不須投一石不能盡
三斗醉即休世無百歲人安用千歲憂

後緩聲歌

麒麟本無種靈芝豈有根腐草化為螢蟬蛻升高
林蛟龍困濁水魚鱉以為群一朝乘風雲騰飛上
天門賣漿屠狗輩瑣尾寧足論攀鱗与附翼仗劍

隨至尊朝方釋負擔暮已乘朱軒賈生空上書謫
去同屈原如何田千秋取相在一言

將進酒

置酒開樽及此芳辰吹笙鼓瑟以樂嘉賓東吳北
燕南粵西秦浮萍偶合飛蓬何因縱衡捍闔高談
細論一石濡首五斗傾心濁者為賢清者聖人今
我不飲日月如輪

鳳將雛

鳳之雛將九子巢丹山飲赤水一飛翔千仞一鳴
驚萬羽胡為久不互吁嗟吾已矣竹實凋梧桐稀

鳳鳥去鳳雛饑安得聖王出虞廷復來儀

飲馬長城窟

呼韓未款塞烏孫未罷兵風高邊草黃飲馬近長
城戍卒夜乘障火照咸陽京穹廬不畏冰旃裘不
畏雪漢兒自衣絮胡兒自衣鐵漢馬蹄欲穿胡馬
汗流血人亦不及胡馬亦不及胡天子坐雲臺命
將伐匈奴赴、李將軍洗、真虎臣瑠弓白羽箭
猿臂稱絕倫一射殪胡馬再射殪胡人從此長城
下千里靜胡塵侯印他人得一生徒苦辛空令霍
去病圖画上麒麟

短歌行

去日苦長來日苦短秉燭夜遊不可復緩日輪在
東月輪在西兩輪相催其疾如飛玄鬢易霜朱顏
易稿老者不少者倏老譬如春柳烟絲濯秋
風忽起枝空葉落既鼓我瑟又鼓我琴有酒如澆
且酌且斟天不知高海不知深我思古人爰得我
心

長歌行

北邙何有有塚纍々其中葬者莫測謂誰衣薪既
朽珠襦亦灰逝者已矣生者空悲鬼有何樂如南
面王漆園猖狂其說荒唐允今之人服藥延年不
思行樂但欲求仙不思任世但欲升天季女不御
嬖童不幸穉康養生死非正命彭祖御女其壽八
百東方歲星小妻屢易二子好道不忘好色神仙
御女比樂何極

白紵詞

涼風蕭條變庭柯月殘星沉淡明河燕姬趙女揚
青蛾張燈進酒舞且歌勸君須盡金叵羅不飲安
得朱顏酡天雞叫日催羲和匆匆行樂苦不多如
此良夜將如何

門有車馬客

幽并遊俠客
稅駕訪衡門
七首帶血影
衣裾漬酒痕
馬紅呼叱撥
奴黑號昆侖
口不言他事
報仇無報恩

塞下曲

塞垣七月秋風早
胡兒成群漢兒少
韞鷹附人田
犬驕邊馬解鞍齧枯草

秋胡曲

力田力田不如逢年
力田力田不如逢年
子遠方歸不識舊妻妍
下馬相調笑宛如濮上與

桑間力田力田不如逢年
採桑採桑不如逢貴郎
佩明璫何必蠶滿筐
衣繡裳何必絲滿箱
桑老葉漸稀蠶老絲不長
黃金調少婦那得念糟糠
採桑採桑不如逢貴郎

春雪曲

春雪春雪山空人絕
行人絕我獨來山中
梅開未開

南村北村梅花滿園
誰來剝啄山僧打門
城中人莫含沙不如踏雪
看梅花

昔我歌春雪遊戲長安
陌歌聲隨春風吹入王侯

宅宅中美人工擲果愛我紅顏偷擲我我今非少年紅顏不似前此曲無人聽流落道傍邊

稅官謠

子國稅一中官十中官十稅官百稅官不死嗟我赤

汝欲速富與速貴不作稅官即稅吏

稅官狼縣官羊稅官虎縣官鼠稅官晝殺人縣官法不伸

稅官來民虎豺稅官毒民魚肉民力阮渴稅官車裂

東隣有稅官黃金常滿盤西隣無稅官短褐猶不完寧作西隣貧莫作東隣富東隣雖富橫尸道路衆心崩城潢池幾弄兵黑氣見天鼓鳴良哉二千石歔歔誓衆亂乃息

一人前驅千人後呼避者弗殺聞者屠誰為厲階鄉大夫烏焚其巢旦暮號咷

不利爾金錢不汙尔婦女滅却城狐與社鼠鬼夜哭狗升屋稅官速出就刑戮

朝殺一稅官暮殺一稅官稅官死未半城中寂不亂

中官去稅官走烈士歸願授首他年葬尔專諸側
俠骨常香饗廟食 辛丑年事

少年行

一石鷲黃酒千金狐白裘殺人當輦路繫馬上娼
樓私侍平陽主交驩定遠侯未央花萬樹執戟奉
宸遊

河豚謠

河豚怒食者喜河豚生食者死閻門兒買作鱸千
錢一頭不為貴

柳花如針河豚貴于金柳花如綿河豚不值錢賤

無人食貴爭食嗟吳儂錢不惜

海有西施舌江有西施乳西施殘馥膏唇及齒蘓
州瘴愛西施不謂乳有毒但誇乳味奇

臘雪連天河豚滿船雪一片河豚不見販鮮人
趁燈月河豚價問臘雪

南有堂詩集卷之二

太原王穉登著
東海徐樹玉錄

五言古詩 計八十四首

雪中童子鳴顧願甫夜至

我有千金鏡懸之白雲房軒轅之所成師曠之所
藏背為蛟龍文面為日月光豈惟照顏色兼得照
肝腸不惜照讒人所惜鏡被傷隋侯明月珠抵鵲
策非良持此還自照五內皆秋霜拂拭贈君子藉
以古錦囊肝腸在其中慎勿委路傍

仲冬氣始肅北風生嚴寒白雪被高樹頃刻相摧
殘故人夜入門燈火照蔬盤魯酒不滿斗何以慰
悲酸不見長相思見之反無歡二儀何茫茫居者
不自寬百毀閉門集寧獨行路難雀毒在翠鶴
毒在丹如何斷腸草生彼讒舌端
客從東方來顏色照海波將謂古烈士把臂喜相
過平生尺寸心翰寫亦已多誰知汪、陂倏忽成
江河面為春風溫背作冰裁、指金、為銷指石
、為磨人生非金石孰能保其他繁霜腓百卉不
能解松蘿與君相固結讒人其柰何

登君山

促促腸九迴黯黯心百重登高罕怡情慨往絕歡
容山門閉清江寒潮答鳴鐘千年春申君於此見
遺封孤軍集水戰城下森櫟幢佇立聞秦者蒼舊
無遺蹤故居皆易人斷壠不留松人生勿遠遊遠
遊安所從不如家山下荷鋤為老農

病中懷吳幼元

霜降木葉赤撼、飛前除鳴蟲亦知寒登我空堂
隅病者不能卧起聽城上烏群星落如雨流光燭
衣襦倚柱發高嘯噎口不能舒懷我良友生傍立

久躊躕

躊躕何所為局促心無歡
葦菴生通達網羅橫相
干含沙巧射人行路良
獨難形影不相顧天地
安得寬南山有薇蕨可
以賦考槃

烏泥涇阻潮

衝颺天際來海波忽東
徙停撓不能發中夜三
四起舟子心如焚喧喧
爭評語凍浦月霏寒流
冰齒蛇行曲堰下蜩縮
早霜裏仰看斜漢影俯
視濁河底混如不可涉
安得衣帶水回首瞻故
墟茫然隔千里

泊舟江橋

薄遊意不愜艤舟空江
涯炊煙帶遠林暝色寒
霏渚蒲既已凋澤荷亦
已摧田家方刈豆近水
啟柴扉屋上晒豆本竈
下燃豆其床頭鼠雀飽
楸底牛羊肥浮雲起西
北鴻鴈與之偕雁聲豈
不苦我心豈不悲所悲
去鄉邑東望姑蘇臺茅
茨松樹間日夕松風吹
家人方墜戶稚子催寒
衣翹首以望我不歸復
何為

送中法師還楚回寄李本寧太史

一杯浮滄溟東渡謁慈尊
夕宿潮音洞朝覽扶桑

墩翠裝魚龍氣錫杖波濤文鉢中金蓮花持之過
吳門言尋半偈翁共坐青松根松枝代塵尾松風
代玄言手焚旃檀香為師三度薰齋罷即分手歸
聽楚江猿來豎生公石去訪洞庭君我友李供奉
飄飄鸞鳳群辭榮謝黃屋巖居栖白雲曰師一問
訊天際遙相聞

豫章鄧太素永嘉何無咎集齋中

崇朝鳴雨霽清旭盈前際客來衡門下鳥鳴高樹
枝松風如鼓簧共倒金屈卮投我絳與縞贈我琅
玕詞鄧君既濯之何君亦英奇洪都產夜光甌越

出懸黎與君隔河漢一旦成心知谷風日以傷友
道日以非豈不結金石中路恒乖離君其保後彫
庶托長相思

送張叔相還東甌

大火西方流明河掛前楹丹螢水際飛莎鷄月下
鳴涼風一夕至物候倏已更居者恒惻之游者能
不驚蕭蕭竹林寺依之蓮社僧朝分香積飯夕借
瑠瓏燈耿耿念鄉邑飄飄忽祖征潛魚思舊遊飛
鳥歸其林月明華頂松風吹甌江萍送子不能遠
佇立以怔營

白毫閣對雪懷石公

我館雪浮、我池冰鑿、沉鱗樂深潛、候雀羞俛、
啄沾松、愈勁覆柳、何弱修廊百餘尺、映蒂川
與薄大士黃金身、白衣坐朱閣、寒光射其面、滿月
、以灼懷我方外友、千里異丘壑、被衲入黃山、荷
笠上白岳、朝飯巖下芝、夕飲澗中瀑、安得捉麈談
天花滿床落

楞齋為許玄祐賦

青、楚江蘭當門、乃被鋤亭、嶧陽桐幾為爨下
芻、良材受剪伐、不逮君家楞、繁陰覆我屋、涼飈拂

我書、上有鸞鳳巢、下有蛟龍居、風霜既飽、歷雨露
恒沾濡、未適棟梁用、寧為山澤癯、將作不見收、匠
石空踟躕、廟廊未為貴、所貴全其軀

春日郊行

青陽動群卉、習、仁風扇平原、延矚遠浮雲、盪胸
暗花林、紫煙騰竹徑、蒼露泫雨滋、春蕪葉日明、天
桃片翠迷、王孫服紅氍、麗人面冰泮、魚情適園興
禽言變蘭亭、繼高賞沂水、企芳踐春彼、賢達心永
言托繾綣

冬日齋居奉懷文侍詔先生

清旭麗高楹涼飈汎踈箔冰砌青苔萎霜枝朱果
落餒禽喧場稼寒龜竄樊籜懷人瞻停雲散帙倚
死閣太史秉孤操清蹤照林壑牛駕欣扳耳馬署
寧淹朔魚焚拒情怡柳莞陶裏樂龍門沓霞軒燕
寢敞風幕庭梧涼陰茂瑤磬清音作踈眉秀紫芝
臞形同白鶴金石振芳藻圖綵表高托嗟余夙欽
尚幸矣厠酬酢覲止逢秋英淒其感冬萼流光隙
駒駛遐軌風牛邈羽稀霜空寥鱗潛水澤涸晤言
要青陽松舟懸睽索

贈魯磨北文學

松蘿非一木纏綿枝與葉膠漆非一物其性乃固
結氣味苟無間安問秦與越君家楚雲夢我家吳
滄洲相去數千里邈焉風馬牛一朝燕市傍邂逅
心相投同上蘓秦書忤時不見收君有青驪駒我
有黑貂裘持之贈酒人五斗結綢繆知心傾蓋間
奚必在白頭

送童子鳴

譚：葉中花朱光爛盈眸嚶：枝間羽和聲協賡
酬天地倏晦冥白雲翳高丘焚輪一以吹散棄不
可收花落隨驚湍鳥飛失其儔噉：長林側哀鳴

以相求

相求何戚、離筵促高張、觥無停飛、曜靈沒前
岡車馬肅徂、征僕夫戒前行、所知日已遠、能不含
悲傷、良覲湏臾、間倏忽、道路傍楊柳、黃金絲寶劍
明星裝、無一為君贈、空馬熱中腸

中腸鬱以摧、周道阻以長、念子不能別、把臂亭衣
裳、靈雨天南來、雲氣流中堂皇、出門路欲見、未
可量、咫尺會面難、何況天一方、丈夫徇知己、奚必
悲異鄉

異鄉多知心、故國多骨肉、知心不可得、骨肉空碌
碌、金昌風土嘉、胡為戀鄉曲、朝帆吳嶽紫、夕權越
波綠、神禹黃金符、千年閔石麓、探竒破苾屨、赤手
披宝籙、玉字數千萬、恍惚不能讀、乾坤何跼蹐、安
得駕黃鵠

古意

佳人幽谷中、盈、冰雪肌面若芙蓉、花山作青蛾
眉、不能學歌舞、但解治象絲、宋玉在東鄰、三年不
得窺、三十未嫁人、空閨苦寒饑、如雲東門女、笙竽
手中吹、紅粧騎馬出、相隨輕薄兒、一笑不可得、千
金安足竒、嗚呼王化衰、古風日以漓、不寶松栢心

但貴桃李姿

桓、班生志矯、龍虎姿朝為白面生夕建蛟龍
旂繁星麗七首匹馬穿廬馳蕭、玉門闕胡笳不
敢吹靈鵲化金印紫綬腰間垂天子封列侯舉世
稱男兒嗟、揚子雲骨若柔桑枝不能縛一鷄馬
能斬郅支奇書滿腹中不值修文時白首太玄經
命也復何為

白鶴雲中飛馴擾狗場穀白龍失滄波冒人侮魚
服羽折金鱗枯風雲空滿目舉世皆薨、寶石賤
良玉所以楚和氏雪涕青山巖所惜玉未明寧憚

刑雙足刑足雖被刑玉重支體輕匹夫執小諒一
悴不再榮志士苟含冤剖心以自明

史丞相墓

石馬無精靈雕形為驢驢石人寒雲中苦菜生衣
裳一坏古杉根漠、成荒岡借冢葬者誰云是史
衛王當其初葬時窆儀何煌、東園出秘器題奏
以為藏崔巍借陵寢高者如帝王千年室玉氣上
有青霞光匹夫夜覘之執兵發玄房丘壑皆哀鳴
鬼神亦徬徨何不鑿南山萬世錮黃腸豐碑天人
書零落無成行豈無雲仍孫相視徒悲傷我聞箕

山塚過者不能忘
樵蕪莫敢侵
俎豆常馨香
始知人爵榮
不如清風長
陵谷有變遷
清風無存亡
嗟：後來者
櫛德乃其良

壩上留別張孺毅

銛、龍雀刀燦、崇溪鐵潺、床頭泉皦、袖中雪層、赤電影淋、白蛇血脫君匣間
佩就我腰下結贈我豈無意可以助俠烈
平生國士心對面為之熱黔首何紛、所貴者豪傑豪傑狗知己豈為眾人說
干將刈園葵不如土中折服之虹蜺生慷慨與君別

別余君房

吹竹須吹簫吹簫鳳凰音
彈絲須彈琴彈琴山水深
羗管胡琵琶聽之淒以沉
但知娛人耳不知傷人心
大雅不可作處士為悲吟
悲吟亦徒快激烈不可任
君本握芳蘭盈、王者香
勿慕龍與麝、其質乃寒涼
莫以百鍊心徒為舌上剛
與君日以遠不惜傾肝腸
惠而能好我和以墳麓章

寄太傅成國朱公

總角弄柔翰肆志偃商業
三十登燕臺上書意不

愜曰人性所鄙未肯事干謁十年懷一刺至今猶
在篋諸侯不好客何以寄長缺桓、執金吾皎、
丹青心迴車大道傍馮軾以相尋蕭條段生盧緹
騎森如林以身當國士豈敢論黃金既拂蛟龍劍
復鼓朱絲琴

野鶴畏乘軒山麕耻驂軛丹轂朱繁纓能忘在丘
澤長林多青松其下生琥珀斲地煮食之可使頭
不白豈無南枝戀萬里久為客夜醉平原家朝出
平原門雖受平原知未報平原恩燕歌短促節立
馬聲皆吞黃鵠志四海枋榆安足論幸免遭彈射

終當復飛翻

寄內

柳花化浮萍不能復上枝丈夫狗功名安問還家
期去年與君別庭中辛夷花今年花若何遊子正
思家花亦當再開人亦當再歸、不待秋風勿寄
秋風衣喜鵲知行人飛上門前柳試問蘇秦婦還
能下機否

代內答

妾本金陵人家住長干里耻嫁里中兒三十事君
子蒙君采葑菲不復論下體君棄妾遠遊妾為君

白頭淚如山中泉涓，日夜流織成芙蓉錦四旁。
為清江鴛鴦飛其間十，五，雙以錦裁寄君憂
心未能降，聞君將到家，暫拭紅粧啼君勿過疑妾
妾乃老萊妻。

見月懷女兒

淡，新月輪娟，初五夜宛，女兒眉纖，月臺
下但記別女時不記春與夏以手攬我裙令我不
能舍我行未出戶勸我早還家一去如飛蓬隨風
繞天涯骨肉徒紛，曾不念契濶感此婉孌質遠
致一書札上言避寒風下言慎饑渴使我淚如雨

太息不能答既為汝強飯復為汝添衣憂即為汝
憂歸亦為汝歸，來黃河邊水落舟不前黃河自
入海行人如上天家遠未能到月出未能圓人生
念兒女安得長少年

濟上望泰山

魯為諸國望岱稱五岳尊湯，汶與濟洙泗亦同
源聖人生其中千載俗猶敦涉者皆問津輿者濡
其轅違盼封中雲亭，若車輪不辨青芙蓉但見
朝濟昏離，大夫樹古柯允幾存衛以石門扉繚
以朱藩垣金檢玉籙書恍惚埋其根無由歷秦封

安得見吳門盤桓不能前盱矚勞心竟

由古蕩過西湖經萬松嶺作

理裝肆蘭若遵渚趨川薄逶迤桑下阪齒萃松上
閣阡術散縱橫臺觀紛寥廓澄湖練如洗層巒綺
相錯芙蓉被清瀨蟋蟀響幽壑風獵枯林鳴葉翳
寒泉涸蘓公蹟已陳白傅名何邈宋時過歔歎錢
祠入盤礴綴嶺寺從梁棲烏墓為岳雷焚浮屠塔
水啣越王郭僧鐘禮青冥鳥道陟殘籜霜條鬱金
翠巖實儼丹堊冉：雲生仗飄：雲滿索迅舸勝
遊鱗輕輿宛飛鶴晨策信已疲午憇差云樂皇：

即征途栖：焉所泊

與諸君泛湖至霞真觀補陀洞天

群峯不可數亂插澄湖中盈：似明鏡隱：若盤
龍倒景千萬狀水波涵青紅皎如明光錦繡以金
芙蓉飄：沙棠舟沿洄入虛空駕央集其西白鷺
飛其東見人不驚去相顧聲嘩：何年鑿蒼厓百
丈騫晴虹不隔明月輝長令白雲通瓊瓏破地脉
恍惚非人工朱門候以更盤荒亦已窮借問誰所
為嗟：史相公

王養和同遊寶界山登嘯臺回懷故觀察王

公

涼風吹微雲曠然舒客懷美人招我遊載酒青山
隈雙橈夾畫舫飛翰莫能追前帆迅以征後舫躡
相隨綠波如魚鱗荷花鏡中開謝公東山墅樓觀
鬱崔嵬星壇繞寒松石座沈蒼苔空悲謝公去不
及謝公來諸孫二三人一一非凡材君尤能好我
然諾不相猜明月飛上山照見樽中醅暮壑烟中
流冷、有餘哀鳥聚丹霞林蟲啼白露階逝者不
可作太息以徘徊遠慚蘇門嘯安用臨高臺

荅茅孝若

大火忽西流客子亦西遊西遊及茗雪二豎為我
仇既寡長桑君厥疾焉能瘳故人能好我貽詩結
綢繆一讀涼風生再讀殘暑收豈但蠲沉疴兼以
消百憂昔我屢履霜訪子林堂幽黃花為我採綠
酒為我浮座中有嘉客高論排千秋茲行欲依人
奔走無時休願言從子語不能暫維舟形骸既以
忘安問去與留蓬以麻共扶膠以漆共投持此一
片心期之在白頭何彼路傍子對面徒悠々

夜泊天津望月與管建初

圓魄生北海、色皆鴻濛丹霞抱其傍繚繞數十

重連蜷若雌蜺天矯如長虹紫霧不可窺下為蛟
與龍蜃氣之所成貝闕明珠宮雲中蓬萊山一一
青芙蓉我欲乘扁舟與子躡其峰波臣具舩艦河
伯駕鰲腫白榆三五樹歷歷隱層空煌煌牽牛星
耿耿雲漢東望天孫盧迢迢不可從安得策鵠
鵲為梁貫其中以手探支機掛席凌天風客星何
方來黯與銀河通豈無成都人卜石訪竒蹤塵世
信靡樂求仙諒可逢

贈管子

燕王好賢士黃金招俊髦築臺易水上高義薄青

霄之子慕其風不憚千里遙結束事游俠秋風吹
寶刀自入都城門白馬日遊遨長安諸貴人一一
皆相邀高堂伐鼓鐘玉斗酌葡萄富貴何足言功
名等鴻毛三年卧逆旅環堵生蓬蒿紅顏日以衰
青鬢日以凋君王不見召賓客漸蕭條始知公卿
間碌碌非久要嗚呼平原君千載願神交
我家長洲苑與子同一方賢人之所居山水有輝
光薄田二三頃率歲事農桑五畝可藝秫十畝栽
稻糧以稻給饗殮以秫造酒漿霜降梨棗熟稚子
充腹腸室家甘辛苦亦不厭糟糠豚足燕饗何

必牛與羊我弋天上鴻子釣河中魴庖厨皆不乏
俎豆鬱馨香主人能起舞賓客豫且康子焉以樂
志吾將師仲長

孤憤詩

昔我居鄉邑天步邁其艱冠從東方來十突九無
煙田廬皆蕩析井里何蕭然短褐不掩骨况乏粥
與饘仗劍走四方栖：不遑安樂此吳王都躑躅
屢盤桓吳都信樂土豪士產其間豈不願灑濯奉
子以周旋一朝荆棘生不能容椒蘭子既不我懷
我跡良速遭寄言桑與梓終當復來還

濟：如雲彥三讓存遺風言公去我遠文學猶春
融云胡梁生市菜蔬盈道中稂莠雜良苗托根元
不同讒人信罔極聽者何矇：外以結綢繆內為
蠱與蜂：蠱猶可防毒如含沙蟲螳螂持其斧朋
比以相攻愛憎固無端毀譽安所從頰頰云幾何
而有干將鋒胡敢為釁仇但欲免其躬二儀高且
厚跼踏焉能容昊天信明：福善而禍凶哀：卷
伯詩君子諒其衷

昔聞左丘明所耻在匿怨而我亦恥之詭隨非所
願子昔邁其屯過者爭按劍豈無親與故以石下

深整我躬不遑恤惻、良在念哀、申胥哭脫子
弃与陷完子巢與知復子纓與弁子既安且樂不
復顧貧賤秉心如浮雲倏忽有千變棄好結仇讎
曾不畏日監操戈入我室噬我猶未厭子交諒匪
心我合徒以面置炭寒冰中誰能復繾綣谷風傷
友道氣結淚如霰

善卷洞雨中

至人辭萬乘脫屣空山雲巖扉窮宵渺于焉謝人
群褰裳春嵐裏靈雨朝細緼複洞如重樓一柱當
其門亂石何磴研奔流相吐吞東腓涉潺湲直下

蒼崖根白玉作田疇青霞爲釜鬻一往不復返懷
哉避堯君黃屋一何崇南面一何尊舍彼冕與旒
睠茲麀與麀寥、千百襍誰能挹其芬赫、乘軒
子營、何足云

答張去華

少年盛文采咳吐皆玉屑贈我明月寶重以珊瑚
玦懸之出中堂見者盡吐舌弱齡能幾何詞鋒太
截業譬如渥水駒龍文而汗血何必久調習墮地
乃蹠蹶我帝亦已敝不堪爲君設君其且埋照瓊
玖恐易折百里半九十志士保鴻烈雕蟲故瑣尾

諒非遠大業勉梅千秋事流光及累葉勿為隨波
浮精靈自消滅春花不久榮歲晚衆芳歇所以後
彫子韜光獨怡悅

沈烈婦

婉：淮陰女娟：學曉粧十四操箕帚結束登君
堂良人冠惠文驄馬繡衣裳願為綢與繆豈願為
參商昊天忽降凶鳳死留其凰失雄不復得孤雌
烈如霜揮手謝儔侶含笑入閨房香奩竟何之空
繞瑤瑁梁地上雖以孤地下還匹雙誰云桃葉妾
松栢為肝腸

兔絲隨松萎寒蟬抱葉枯而況未亡人豈不從其
夫昨日芙蓉花今日成朽株雉經非小諒之死乃
靡他不恤千載名遑恤千金軀雖不同白首猶得
共黃壚朱草無根萎青蓮出泥汙彼哉人不泚象
服如山河

送趙凡夫之南雍

迢：遠行邁惻：涉河干渺：薰葭浦蒼：露未
寒皇：遠遊子蕭：怯衣單履霜一葛屨祖道一
盤餐云胡壯士顏臨別乃不歡

金陵帝王州鬱：何佳麗雙闕中天起朱門羅甲

第流水集纓冕流星還車騎涓：秦淮水纖：桃
葉妓六代才華人風雲盛談藝之子遊其間于焉
以遊戲

寄余明復司理

王孫昔未遇垂釣河之湄白龍而魚服受侮市中
兒如何窮舍媪乃識英雄姿梓殮細瑣事高風流
在茲君昔理毘陵三尺無偏私隆我以國士推轂
盛吹噓一乘廣柳歸三載遙相思今來理東海長
孺有遺規朝攀八公雲夕攀萊桂枝力田不逢年
疇免寒與饑無旬不得飽薄莫無朝糜豈不懷一
飯道遠莫致之淮流深瀾：淮山鬱參差不能為
晨風安得雲中飛長歌以贈君請比甘棠詩

登朱在明江觀

飛樓何崔嵬獨立江之干下俯洪波流上薄浮雲
端三吳一衣帶三楚一彈丸隔水春申山青巘手
可探依：見墟里歷：辨城垣滄溟不可窮萬里
隨孤帆蓬萊阻弱水安得生飛翰居人三五聚竹
竿以為藩紅葉如桃花刁刁下寒潭刈稻登場圃
舂杵輸縣官雞豚祀田祖魚鱗供盤殮周覽百里
中耳熱凭雕闌奚必非吾土信美可盤桓

舟中聽周叔宗談富春山水

君談富春渚令我消沉疴紅燭皆淋漓不知清夜
徂灘、如上天百折凌嵯峨是時早既盛溪流不
成河舟行綠樹巔帆拂青山坡白雲枕中生流水
席上過崔嵬客星祠兀立山之阿上有千仞岡下
有千丈波一絲千載間高風遂不磨所以古之人
永矢軸與邁敝屣萬乘主韜光葆其和願言遵往
躡高舉勿蹉跎

送陳公衡大令北上兼寄王侍御可大

峩峩澤中水杲杲原上日天地既疑泛山川莽無

色美人炎海至將以適京邑舟膠不得前薄遊吳
趨陌吳趨木繁雄三載無稼穡綺羅十萬戶其半
為空宅天子憫元元殿中下尺一御府萬金錢
胡能起白骨但聞催租吏詔書空掛壁君行指
丹陛驅車馳道側故人遂昌宰與君同膠漆一朝
冠惠文所司在言責亟共上封事催科諫勿迫豈
徒為桑梓四海望休息勉旃樹不朽垂之金與石
無為公孫曲庶幾汲黯直因君寄天末代彼晨風
翼

送宋叔意遊北雍

良玉不俟翼明珠不俟脛無脛乃照乘無翼亦連
城至寶在櫝中莫能韜其精何必藉吹噓然後升
天行宋君華亭彦年少美如瑛朱汗碧啼駒驥首
長嘶鳴一躍菰蘆間駕言游皇京皇京何翼翼車
騎若流星上有 明天子下有賢公卿時非絳與
灌誰其忌賈生六月河梁上流水瀾且盈五兩乘
南風慷慨事遐征雖乏酒百壺與君飲後傾君其
慎自愛樹立千秋名勿但驅高轂徒為鄉井榮

趙允夫園偕劉丈子威讌集

翳之白雲扉幽之青蘿巷躋攀在鄰並美人共微

尚同懷麋鹿性俱具丘壑相長者乘高軒逃暑坐
池上豈無層軒居樂此間且曠鬱之龍鸞姿矯之
神愈王既富五經腹復宏千頃量理窟何勃率文
心亦駘蕩驚禽投深樾勞魚浮新漲冰桃實千歲
碧藕花十丈雖乏絲竹音山水足寄暢會心匪云
遠雲霞隨几杖奚必凌五岳而慕禽與向

古意寄本寧

鷲鳥啄一鶚鷲如鷲鳥何魚目詆明珠珠少魚目
多龍蛇起平陸只尺生驚波浮雲如車蓋浮言成
網羅貞女被猜嫌貞臣遭譴訶所以考槃者高蹈

青山阿

芳蘭忌當門群士忌同朝斥墻御無益毀鏤操鉞
刀蘭以芳被鋤士以名見嘲芳既不可滅名亦不
可消女美終傾城劍躍還冲霄衆口徒紛紛公道
將為昭

答林志傳

君懷延津劍歐冶之所冶流光射斗牛吐氣成虹
霓明珠以為鐔琕琕皆璠璣五御不足償千鎰誠
區々持登姑蘓臺言邁吳王池干將躍出水配合
亦云奇神物自有匹寧論雄與雌天子西備胡秦

川日用師何不馳伊吾一得當單于白雪雖云工
旅食何淒々不如從嫖姚功成執桓圭入奏軒懸
樂出建螭旗寄語同遊子安用事毛錐

答方晉成

好鳥西南來懷我以為音南枝不可栖矯翰瞻北
林豈不戀故山饑渴苦相侵身依泰山松心眷黃
山雲所謀在飲啄遑恤苦與辛

淮水何湯々汧川亦瀾々褰裳往涉之悵々何所
止朝駕邀雪宮夕驂稅澗里齊歌皆大風魯國多
君子雖非故鄉縣此土亦洵美丈夫志四方安事

守桑梓

白金耀步至茅山登吳氏立壠

夕祝玉華駕朝理金耀策左聽潺湲聲右攬蒼翠
色長松被危坂高者百餘尺上有鸞雀巢下有虎
豹跡逶迤度前嶺林深白日黑嵯峨麒麟塚錮以
南山石牧豎那敢登樵蘇不相及仰視巔峴峰芙
蓉刺天碧我欲涉其巔苔生徑路仄非寡濟勝具
安得謝公屐徘徊不能去於焉以太息

雨中飲陳思貞太守宅

五馬諸侯宅還同仲蔚家貧能供綠酒瘦不減黃

花獨有藏書富依稀過五車

顧朝肅載酒過僧樓坐雨

乘聽桓御史幾載門禪榻黃葉當階落青泥積戶
齊不勞絲與竹終日水禽啼

清明日送杜袁度北游

柔萸始云綠舊燧於焉改園林過晨雨竹樹散春
靄好鳥鳴前除良友至東海盤飧出中厨濁醪錯
醕醢辭條豐且蔚文心蕩以馳在珠為夜光於璧
等朝采振藻類子雲讀書半中壘悲時首共疾聞
政魄殊駭坐以心煩寃行以憂不解君其對公車

上書言慷慨豈惜悟 至尊回之感時寧元日雷
虺々王春雲變々流亡億萬戶菜色十餘載誰為
熒陰陽曷以調鼎萬唐堯雖大聖芻蕘或見採

知希齋為王德操賦

梁生既藏市鄭子亦逃谷齊瑟不協耳荆璆多忤
目所以哲者流尚絅韞諸匱吾宗有佳士結廬城
西麓被褐懷其寶發光溷流俗遐峰檻上青近水
橋外綠丘墳三五編花間箕踞讀在林鶴恒饑羞
與時夜逐所貴知我希安能事炫鬻消搖衡門下
悠然傲黃屋

贈張伯超

皎々張長公抗志軼其群身處紅塵中而心在白
雲上書不見召掃迹栖衡門虞卿工著書楊子耽
玄文干旄日旁午鹵簿何紛紜孝廉如燉煌不屑
就邦君天爵既以貴趙孟焉足云優游下澤車奚
必朱其輪

七十不稱老慈親在北堂北堂幾百齡黃髮壽且
康顏如姑射仙肌膚若秋霜煌々東壁火隣媪借
餘光將子鳳之雛接翼相翱翔甘旨為饗食斑斕
作衣裳軒纓糠與粃所樂在緜邇不易一日養豈

假南面王雖不五鼎食祭酒重子鄉

送陸纂父北遊

落々志桑蓬悠々去桑梓滔々渡長淮瀾々涉清
涕齊既稱大風魯亦多君子於焉秣其馬駕言趨
孔里依稀絲竹音俎豆肅千祀薦以溪中毛酌以
澗中水一登泰山巔群峰列其趾雞鳴夜未半日
出滄海底遙瞻吳門練洞庭兩崕嶮朝看孤涉冰
驅車不傳軌田文墓空在趙勝骨已毀不知肝与
膽將向誰公子風波不可行青山信為美豈必游
道廣貴在適志耳送子河之湄天涯自此始

寄內

遊子倦行役歲晚適異鄉栖々蓮社中窮陰掩太
陽青泥不可出一室徒傍徨晝分沙門飯夕依慧
燈光主人從王事客如觸藩羊干謁良獨難懷我
梓與桑予美方婉孌獨宿守空房含情未得語脉
々誰為將既滅帷中燭復消衣上香不如釵頭鳳
猶得隨其凰

代內答

妾本家平康嫁君未匝月君心如飛蓬棄妾遠離
別孟冬多風雨盈々間吳越空牀鴛被冷角枕如

霜雪弱女繡芙蓉齊統一半裂嬌兒弄筆硯瘴瘵
指流血所願在家貧不願客金穴君其早還家免
妾腸百結君還非為妾兒女共愉悅

寄石使君汝重

芳草忌當門當門衆所排芳樹忌高枝高枝風所
摧貞臣不說世與世乃寡諧君昔乘朱軒甘雨常
相隨適吳人化蒞越人懷胡彼當塗子耽
虎与豺不樹桃李花荆棘栽中達煮海稱利府金
錢積崔嵬桑孔之所甘廉夫耻為儕惡木不停輪
盜泉不投盃空谷懷其實韜光久沉埋悠々楚江

澁高卧不能來吁嗟君不來誰其平泰階

趙允夫種竹

客子到看梅主人方種竹梅有歲寒香竹有歲寒
綠期君共歲寒結隣在空谷

重過瑯琊長公宅問王房仲病

哲人歸山丘華屋歸然存賓客散如烟雀羅張在
門昔日車馬地今同墟與村弇州真天人名高道
何尊白骨尚未寒魚肉其後昆昨日青宮開四海
皆蒙恩枯株既以榮寒灰亦以温云胡佳公子獨
不免覆盆未釋城旦春猶然鉗且髡豈多公卿交

曾不吐半言在樊嗟病雀入檻悲窮後安得緹紫
書懷之扣九閤臣精已消亡氣結聲徒吞嗟哉魯
連生高義孰可倫

阻冰孫汝師家五日別去

北風吹晴雪杲日冰峨峨寒流繞一錢消不成
河前瞻皆凍浦後顧無通波空村雞犬絕綠林一
何多望門投故人把臂相歡呼慰我勞且苦不惜
酒滿壺下食寧馨兒一一鳳皇雛佳羞出中厨醉
飽兼僮奴遂半平原期行樂共婆婆歲月候云暮
不去將如何送我河之干踟躕行且歌我思范與

張鷟忝名不磨云何青雲客翻覆易操戈勉旃期
歲寒皓首諒靡他

陳貞母

童姬年十五嫁為陳郎妻舉案事夫子蛾眉與案
齊死央方在梁雙飛後共栖一朝失其雄雌欲往
從之殉身良不難黃口將焉依

嗟哉黃口雛無父身軀不恃母為命藪焉安所
從寧忍須臾死而剪千年宗皇天鑒母節白日照
母衷不然其玉碎胡敢惜微躬

我躬誠不惜撫孤良苦辛室家當漂搖百憂在一

身願言襁中兒勿負泉下人晨爨課兒讀夜績伴
兒吟鳳毛既翮、鶴髮亦駸、
髮白不嫌早哀傷令人老誰知宜男花不是忘憂
草紫泥為母封衡門為母表煌、彤史筆榮名世
所寶三後栢舟詩同心永為好

延令客中霜降

悲風吹廣漠驚塵似沙磧朝看庭中樹未暮已變
色浮屠三五人佞佛火不息篋裏無寒衣空堂聞
促織主人召我飲擊鮮不能食徒然疆言笑一一
非故識在天明河限在地長江隔均此一衣帶相

望俱脉、雖無屋上霜鬢絲中夜白寄語江南人
慎勿客江北

陳泰興送酒

暫客異鄉縣風物何淒其寒日苦不長未午陰已
西種豆沙田中豆熟燃其其城中半茅屋檉柳長
條齊柳下有牧豕柳上有棲雞主人送名酒三斗
出兵厨菊花既可把蟹螯亦可持砧聲隔江水誰
其寄寒衣思家慘不樂焉得醉如泥

小至日陳使君邀同諸子宴騰蛟閣

朝暉出杲、飛閣高峨、靡、寒原草悠、遠江

波繫、江上山隔水一何多。開筵羅衆賓行酒，
相摩是時逢。小至陽回氣微和，殘雪見現消。膠濕
紛坡陀，望不見吾土。目隨飛鳥過，綠酒雖未空。朱
顏已先酡，不待秉燭歸。猶恐醉尉呵白日，苦太短
夜長其柰何。

贈華仲達

吾愛華夫子，厭世薄浮榮。貴在知我希，不屑干公
卿。安神事一室，默坐守黃庭。卷舒河岳氣，呼吸陰
陽精。昨非今乃是二者，俱忘情。芳蘭生當門，何異
棘與荆。所以懷其寶，服食求長生。胡彼考槃者，陽

浮慕其名，身棲丘壑間。而志役軒纓，東索聊城箭。
西乞秦庭兵，欲塗衆耳目。有道所羞稱，我家梁鴻
市車馬。如流星擾、紅塵中。墻東難避人，與君隔
一水。相望徒盈、願為禽與尚。五岳采真行，婚嫁
勿復以。焉能俟河清。

題謝在杭書侍姬桃葉卷

桃葉後桃葉，王家與謝家。蛾眉親捧硯，兔頰盡生
花。持入深閨裏，還將女伴誇。

苦雨答孫汝師

十旬不出戶，鳴雨聲如瀑。雲氣生我處，波濤撼城

郭青苔滿四壁清池烟漠漠，荷葉皆爛死桐花開
且落坐間米價高閭閻氣蕭索家人不得飽一病
瘦如鶴嗟哉催租吏未肯罷鞭朴去 天既以遠
誰能訴民瘼君家高原上一朝風波惡不自傷漂
搖貽詩慰寂莫床頭下羞酒風味不為薄三斗待
君來相與共酬酢志士尚暮年不忘在溝壑天意
未可測目前且為樂

答贈朱方來

園居迥炎暑花竹紛相亞客從南都來訪我北窓
下贈我瓊瑤篇清風可消夏芙蓉朝出水秀色羞

可把國風久不作大雅日淪謝新聲皆鄭衛妖淫
互相詫咸英及韶濩閔者笑且罵鈇刀忌冰錫魚
目譏照夜君操正始音勿為俗所化時輩安足云
徃哲堪並駕



